

東華錄

康熙七十七

臣王先謙敬編

臣周潤蓀恭校

康熙四十五年丙戌春正月己巳九卿議覆江南江西總督阿山等奏 皇上軫念國計民生特頒訓旨於高家堰三壩下挑河兩岸築隄束水入高郵邵伯湖其高郵州減水壩下亦挑河束水由串場河入白駒等河入海泗州一帶被災地方亦築隄束水不使泛溢竊查高家堰三壩其中隄相近見有唐漕等河應於三壩下各開引河一道兩岸築隄引水至唐漕河入寶應湖又查高郵運河減水壩之水自車邏等壩由馬飲塘入運鹽河出頭閘由興化之車路白塗海溝過串場河下丁溪草堰白駒閘入海除海溝河見今深闊直達白駒閘不必開濬外應將車路河白塗河淤淺之

處開濬深通俾之入海但高郵減水壩三座口門計寬一百八十丈丁溪草堰白駒等閘口門僅寬十一丈九尺恐一時異漲宣洩不及應自馬飲塘頭閘口分水使北入廣洋湖至射陽湖下海再於泗州之西溜淮套開河使淮水分流兩旁築隄至黃家堰與張福口水合使出清口此工開成則淮河之水勢既分不但泗州盱眙積水消滅而洪澤湖之水不致泛溢亦可有利於高家堰而漕糧商民船隻可免洪澤湖風波之險矣又查運河水漲時清江浦及淮安隄工猶有可虞應於文華寺地方開引河至運河水長之險使之分流自楊家廟由白馬湖楊家溝入清蕩湖至淮南城南所有潤河原係引運之河今當挑深其潤河下所有清溝河於康熙三十五年被黃水淤墊潤河之水流去者少淮安城內外積水尙出不盡應挑通此處使由蝦溝口入海以上諸工約計需銀一

百八十八萬餘兩事關重大祈伏 皇上親臨指示等語伏惟河
工重大需餉浩繁上下兩河之工相距數百里所稱創興溜淮套
一工其中情形尤難詳晰不但臣等愚昧不知卽該督等亦見識
淺鮮不能酌議恰當若非 皇上親閱指示實難成功臣等公同
叩請應如該督等所奏祈 皇上親臨河上指授方畧 上曰朕
屢經躬閱河道凡河工利病地方遠近應分赴合應挑應築之處
知之甚明邇者數次南巡瀕河官民不無勞擾因此朕不必親往
閱視阿山桑額張鵬翮等所看已屬周晰但此項工程不應交與
總河修築應多派大臣官員分工速修著再加詳議具奏○癸酉
九卿會議高家堰三壩下挑河築堤應如該督所奏興工其督工
開列文武大臣俟 皇上簡選派出遣往至分工各官聽督工大
臣簡選引見帶往 仲祈 聖躬親臨河上指授方畧 上曰九

卿之議謬矣此河之開之處朕前已詳閱輿圖所見甚明既無所
疑往閱何爲但該督等料估錢糧數目太浮宜令覈減爾等會議
但言當照該督等所勘興工並未開明如何動工及需用人夫之
處所議草率著再議具奏九卿等覆奏 上諭極是此工緊要非
臣等所能灼知雖再議亦無端緒務求 皇上親行始於事有濟
上不允九卿等又奏 皇上屢次親臨河上不避風雨閱視隄
岸原爲萬世生民計也今所議河工關繫甚鉅務求 皇上親臨
指授方畧 上曰朕不往巡亦因灼知地利之故朕爲河務再四
思維其他處河道開濬尚易惟開溜淮安需餉浩繁若果有益於
民見在帑金充裕用一二百萬兩非朕所惜爾等其卽議結具奏
○己卯諭大學士等朕昔親臨河上欲往閱下河因張鵬翮奏言
斷不可往是以中止今卽去仍然不能親莅其地則亦何事復往

但河工錢糧斷不可交地方官當照山東賑饑之例將八旗官及部院官內有行止端正者令該旗大臣及部院堂官多行保舉派出再將江甯鎮江杭州駐防旗員亦著該將軍副都統保舉派出或副都統或協領帶赴工上其京城派出官員領戶部錢糧帶往各省派出官員各就近地領錢糧帶往可派大臣督理工程所派官員每人各給三千兩務令照三千兩工價分地開工如此始得河務速成有利民生著九卿再議具奏至高家堰隄工若不驟行修治必有可虞已有旨諭張鵬翮而彼堅稱斷無慮若今年不修治高家堰儼有衝決即開河何用此兩事中高家堰尤爲緊要爾等可將諭旨付挑河大臣轉交張鵬翮一併議奏（壬午九卿等覆奏挑河事宜上曰爾等所議尙有未詳至將情願往河工效力者名爲捐助其後皆無實際所欠銀兩皆朕豁免況前去

人員亦甚放縱今挑河之事俱有丈尺稍有不實卽誤公務而前去人員若行放縱尤貽害於地方爾等於嚴行禁止之處並未議及著再議具奏○乙酉九卿議奏高家堰三壩下及文華寺地方挑河建閘築隄又澗河清溝蝦溝挑河等工約估銀五十八萬九百兩零保舉八旗部院官共一百四十四員俱令引見江甯鎮江杭州駐防官共四十九員各擬副都統一員協領二員帶往協同監工其督工部院堂官伏候簡用速往興工京城官員領戶部庫銀江甯等處官員各於本省藩庫領銀每員派定三千兩計工均估務照式樣節省修築若招搖生事怠緩遲誤督工大臣及該督撫參奏嚴加議處有徇情隱庇事發將原保大臣督工大臣總督巡撫一併嚴加議處其雇倩人夫採買物料派地方官一同料理工完之日交總河防守至濶准套開河需銀一百三十九萬餘兩

約畧估計甚屬浮多應交該督等覈減具奏另行請旨依議
著孫渣齊徐潮鐵圖赫申達爾華蔡毓茂前往督工○己丑吏部
遵旨議覆順天鄉試正考官戶部右侍郎汪霽副考官贊善姚士
墓取士不公應均照滿職例革職永不敘用從之○是月免江南
上元等二縣上年水災額賦有差

二月庚寅朔以楊瑄爲內閣學士

由少詹事遷

○壬辰刑部議覆差往

湖廣郎中吳進泰等祭審提標兵丁槍掠富鍾一案爲首之王貴
等應斬立決爲從之王漢傑等俱應斬監候原任布政使今升太
僕寺卿施世綸原任按察使董廷恩見任布政使董昭祚按察使
鄧廷棟等俱應革職提督俞益謨應降二級調用 上曰湖廣兵
丁原多良善後因武臣不能約束流弊至此豈可不嚴加懲治且
地方官不將此案審明延捱推諉朦朧具奏殊爲不合著將兵丁

首犯王貴等依擬立斬從犯王漢傑等俱依擬應斬監候秋後處

決施世綸董廷恩董昭祚郎廷棟等俱著革職提督俞益謨居官

好且在事發之後到任著降二級從寬留任○癸巳上巡幸畿

甸啟鑾○戊戌浙江巡撫張泰交以病乞休允之○以汪曾微爲

戶部右侍郎

由左副都御史遷

○辛丑先是擒厄魯特喇爾丹之子塞卜

騰巴爾珠爾至京

上赦其罪授一等侍衛至是命阿達哈哈番

覺羅長泰之女照鎮國公女例授爲鄉君妻之授塞卜騰巴爾珠

爾爲鎮國公壻○丁未上次靜海縣閱子牙河隄○辛亥諭大

學士等侍郎阿璽泰派修馬家口隄工竟不在工所又不候駕於

減水壩殊不稱職著革去侍郎仍在河上效力○壬子上還駐

南苑○甲寅以江蘇爲左副都御史

由宗人府丞遷

王然爲浙江巡撫

由廣西布政使遷

○丙辰京師地震○丁巳詔羣臣言事修省闕失○

荆部議覆江南江西總督阿山奏參江甯府知府陳鵬年不將

聖訓供設各地大不敬應將陳鵬年立斬得旨陳鵬年著革職從

寬免死來京在修書處效力○戊午 上還宮○是月免江西新

建等四縣上年水災額賦有差

三月己未朔以董國禱爲盛京戶部侍郎

由左副都御史遷

滿普爲陝西

按察使

由給事中遷

○福建巡撫李斯義奏報臺灣鳳山諸羅三縣旱

災 上諭大學士等臺灣地方淫下一遇亢旱卽亟歉收著將臺

灣等三縣糧米全行免餉朕莅政四十餘年留心諸務無所不悉

見淫下之地旱則不收水亦緝穫不若蒙古出土高而且腴雨雪

常調無荒穡之年更兼土潔泉甘誠佳壤也○庚申 上御經筵

○壬戌大學士戶部議覆據直隸巡撫趙宏燮天津總兵呂藍理

奏若將直隸所屬荒田及下窪地開墾爲水田實爲世無窮之利

東華錄

康熙七十七

五

請以江南等省軍徒人犯安插天津照丁給田令其開墾應交與該撫等將直隸可以墾作水田之地一概查明令其開墾江南等省軍徒人犯無多應不分願民南北之人有情願墾墾者亦令照丁給與如有用官員捐助牛種耕種者三年後升科如自備牛種耕種者六年後升科其田給與開墾之人爲業該撫等將每年所墾田數查報奏聞上曰此事著暫存貯可令藍理於天津試開水田俟冬後再以此事奏聞上又曰此處水田不比江南與甯夏澤州等處相似大都恃開溝以引河水今直隸河道處處俱通若開通三河縣河亦可直抵薊州今朕欲挑濬清河此河一開於右翼人衆亦大有利益也○甲子九卿等遵諭議覆一切政務皆經聖心裁酌次第舉行至詳至當實無應行更改之事且目前節候方屆春深聖懷如此殷切自當上召天和大獲甘澍臣等

奉職狀無愆過甚多自今惟有交相儆戒精白此心仰副 皇上
諄諄訓迪至意 上諭朕總理幾務甚久茲年歲日益夙夜乾惕
與日俱增自去冬無雪及今春深尚未得雨地氣熯燥不和又雲
色多細縷狀朕知之既晰豈可不降諭旨此非僅無雨且恐別有
異災與其有災異而後講求不如君臣於未事之先將政事得失
引爲己責竭誠摠忠詳加計議之爲當也但數語頌揚虛言省改
未可卽以塞責夫民爲邦本食爲民命朕自東作以至收穫僅念
靡甯迨秋成以後豐歉既定然後此心少釋別爲計畫爾等俱係
大臣或司言職事有缺失各宜直陳這所議未詳盡著再行確議
○丙寅九卿等復遵旨回奏今春稍愆雨澤上廛 宸衷深加儆
慮皆由臣工奉職無狀致陽春氣候失調惟有自今以後滌慮洗
心交相砥礪爲大臣者果見部院事例或有未當毋得因循憚改

務竭公忠體國之誠居言路者果見吏治民生或有未宜毋得緘默苟容務盡嘉謨獻納之實儻有營私玷職尸位素餐即立賜處分以爲曠官之戒得旨所奏已悉○諭大學士等朕觀前史如漢朝有災異見卽重處一宰相此大謬矣夫宰相者佐君理事之人儻有失誤君臣共之竟諉之宰相可乎或有爲君者凡事俱付託宰相此乃其君之過不得獨咎宰相也康熙十八年地震魏象樞云有密本因獨留面奏言此非常之變惟重處索額圖明珠可以弭此災矣朕謂此朕身之過與伊等何預朕斷不以己之過移之他人也魏象樞惶遽不能對當吳三桂叛時索額圖奏云始言遷徙吳三桂之人可斬也朕謂欲遷徙者朕之意也與他人何涉索額圖悚惶不能對朕之生平豈有一事推諉臣下者乎至於巴圖魯公鰲拜過必隆爲圜地事殺尙書蘇納海總督朱昌祚巡撫王

登聯冤抑殊甚此等事皆朕所不忍行者朱昌祚不但不當殺並
不當治罪也朕覽世祖皇帝實錄陳名夏劉正宗魏裔介等展
轉參劾此皆明代之流弊互相攻訐此等惡風不可長也○九卿
議雲南貴州廣西四川四省員缺若本省無應委署之員則委鄰
省附近官暫令署事俟部選官到日仍回原任上曰如此議則
官員到任仍至遲延令鄰省官署事則鄰省官少又至懸缺當照
年滿千總分發各省候缺著將此四省見出知府以下員缺俱行
察明單月掣籤補用至候補官員論省之大小缺之多少一省或
十五人或二三十人均勻配算六部單月一年一次掣籤分遣俟
有缺出著該督撫指名揆次補授一面報部如未有缺出暫給俸
候補如此則員缺不至久懸於事有濟矣○丁卯以郭璘爲左副
副都御史

由太僕寺卿遷

○戊辰

上致齋命禮部禱雨○庚午諭大學

士九卿等雲南巡撫佟毓秀先任布政使時尙優簡授巡撫以來
居官不善著調回京另用 上問戶部侍郎巴錫曰爾向不曾薦
佟毓秀爲官耶巴錫奏曰臣昔在雲南與佟毓秀同事七閱月見
其辦事甚勤是以臣奏稱其效力 上曰朕凡有所問必當諸臣
之前爾在衆人前稱奏佟毓秀之賢今但言會奏其效力待君之
體可如是乎豈效力不謂之賢將不效力者謂之爲賢乎○辛未
以席爾圖爲盛京工部侍郎

由通政使遷

○乙亥以雨未霑足復致齋

祈禱○庚辰

上御乾清宮西暖閣讀卷官等以殿試卷呈進

上諭讀卷官等朕考試八旗舉人騎射僅八十餘人卽取中進士
十餘人未免太過漢人舉人數千人僅取中一二百名進士凡事
當以均平爲善而條陳者但言增額不言減額爾等定議具奏又
諭朕往江南閱河擇彼處生監善書者令隨至京師赴鄉試而主

考汗竊有心將此輩試卷另設一處既不閱文而屢請展期此卽存私也凡試官常論文之優劣邊計其他耶又諭數科以來狀元俱不甚佳韓葵學問雖優而不自檢飭頗好飲酒爲禮部尙書時司官筆帖式俱藐視之王式丹亦不檢飭而且懶惰但所學尙優耳上親定一甲三名又閱不合式十一卷文理謬劣陶仁明馬芝秀兩卷諭曰陶仁明著黜革馬芝秀仍留舉人其十一人令再三年殿試著大學士等會同都察院並工部尙書溫達取陶仁明等硃墨卷校對並傳試官來問又諭此外尙有不堪者爾等再行察出諸臣隨又察出張勿我郭墳二卷進呈命皆黜革○辛巳賜施雲錦等二百八十九人進士及第出身有差○甲申以劉蔭樞爲廣東布政使

山雲南按察使遷

○丙戌左都御史吳涵以病乞休允之

○左副都御史周清原奏請直隸各省建立育嬰堂以廣 皇仁

從之○丁亥大學士都察院及工部尚書溫達等遵旨察議會試主考官李錄子彭會洪同考官李紳文謝藩閭中寬等以陶仁明等四人不堪試卷取中進士不可謂之無弊擬李錄子等離任李紳文等革職會同刑部嚴審上諭朕觀會試正考官係北人則必取北人爲首係南人則必取南人爲首可謂之無私乎今年科場行賄者想亦無有但中所不當中故人心不服陳廷敬奏曰閱會元文章首篇一千二百餘字文亦不佳向來作文不得過六百五十字所作違例豈可取中乎不善衡文是以致此會元向居易亦應黜革上曰爾等奏議甚當如所議行○偏沅巡撫趙申喬奏市政使董昭祚按察使郎廷棟俱於湖廣兵丁鼓譟案革職但伊等居官勤慎廉潔懇請留任俾圖後效得旨董昭祚郎廷棟俱革職從寬留任○是月免福建臺灣湖廣華容等五縣上年被災

額賦有差

夏四月戊子朔日有食之○辛卯諭兵部國家綏靖疆圉安輯軍民惟專闢元戎是賴有實能久鎮邊境懋著勞績者則獎勵庸宜踰常格貴州提督李芳述自歷行間二十餘載屢立戰功及黔省莅事以來御軍有法訓下知方威望蔚聞謀猷益殫矧年稱耆宿見今舊將閱歲之久罕與嬖倫用沛殊恩特彰優異著加太子少保授爲誥遠將軍以示朕褒寵勞臣至意○癸巳以郭璟爲雲

南巡撫

山左副都御史遷

李濤爲廣西布政使

原任

乙未以梅鋐爲左都

御史

山兵部左侍郎遷

○己亥大學士戶部議舊小制錢錢價甚賤不便

於民奉有諭旨應暫動支戶部庫銀十萬兩由戶部差官會同五城御史收買舊制錢俟錢價既長奏聞上曰欲平錢價此外更有良法否大學士等奏曰民間收買之說錢價卽少昂以此揆之